

Aste Nagusia

Hau ez da basamortua!

Gose eta egarri direnak asetzeko eskaintza izugarria izango da konpartsek jarritako txosnetan

Tarteka-marteka palmondo edo elefanteren bat agertzen bada ere, hau ez da basamortua, ez. Egarri edo gose direnentzat 25 konpartsak Arenalean jarriko dute txosna, eta beste bik Albia lorategien inguruan: Gogorregi eta Algarak.

URTE osoan lanean eman eta gero, jai batzordea desesperatu egiten da ikusita hainbat lagun, egitarauak lauhun ekitalditik gora daukala ahaztuta, gau eta egunez txosnen hirian bizi dela. Izan ere, besterik ezean burdinazko eraikuntza horietan jan, edan, dantzatu, ligatu, kontzertuak ikusi eta aulkiren batean lotalditxoren bat ere egin daiteke.

Konpartsen eskaintza, gainera, gero eta sofistikuatuagoa izaten da eta muntaia handiagoa. Ikuskizuna eta parte hartzea: hori da konpartsen ikuspegia. Lehengo aldiz Aste Nagusia datorrenak lehenengo ezustea txosnen neurriekin hartzen du. Badaude bi pisuko txosnak, goian mahaiak eta jantokia dituztenak, badira berezko bizitza hartzen duten bederatzizko etxeak, badira bost pisuko etxeen altuera hartzen duten dekoratuak, terrazak.

Sofistikazioa ere heldu da txosnetara. Gaur egun gehienek badute komuna, uhin labea, eta hainbatek ur beroa era bai.

Bilbo handia edo neu txikia?

Bazen iaz Sakanatik Bilboko Aste Nagusiaren bezperan lehenengoz heldua zen gazte nafar bat. Txosnak itxita zeudela jakitean, alferitu samar itaundu zion lagunari ea zertarako joan behar zuten gau horretan txosnak ikustera. Nekez baina azkenean konbentzitu zuen burdina meta haiei soaldi bat egiteko.

Harridura Kaskagorritik sartu eta 15 metroko garaierako Asterixa ikustean hasi zitzaion; horrela ibili zen hara eta hona begira, hariak eta berrehun bat metro aurrerago dozena bat txosna iga-

- | | | |
|-----------------|------------------|-------------------|
| 1 Kaskagorri | 12 Moskotarrak | 21 Bizizaleak |
| 2 Kobetas Mendi | 13 Satorrak | 22 Sin Kuartel |
| 3 Askapeña | 14 Hontzak | 23 Pinpilinpauza |
| 4 Intxausti | 15 Lehoiak | 24 Mamiki |
| 5 Pa Ya | 16 Eguzkizaleak | 25 Txomin Barullo |
| 6 Irrintzi | 17 Hor Dago! | |
| 7 Aix Berri | 18 Hau Pittu Hau | |
| 8 Tintigorri | 19 Txori-Barrote | |
| 9 Uribarri | 20 Mekaguen | |
| 10 Adiskideak | | |
| 11 Arrainak | | |



ro ostean bere herrian izandako txosna bat ezagutu arte. «Arraioa! Hori gure herriko jaietan egon zen, bada!» Harriduratik pozaldira igarota, mekabezotz! zoli bat entzun zen bat-batean. Herrian izandako txosna apain hura Bilbon ez zen taloak egiteko sukaldaria besterik. Guztiz haserre, aldamenen txosna bera eta sardinak erretzeko plantxak zeudela oharitu zen.

Aupa hi, aurtun ere etorri.

Txosnetako jendea azken lanak egiten ari dela ere, beti egongo da norbait eskuak pinturaz beteak dituela zerbait zerbitzatzeko.

Errekaz bestaldean

Zabalgunean eta Abando aldean konpartsena ez den txosnaren bat edo beste egon bada ere, iaz 28raino igo zen kopuru hori. Aurtun Albia, Gran Via eta Indautxun, gobernuz kanpoko erakundeak eta ostalaritza etxeak ez ezik, alderdi politikoei nabarmen azaldu dute txosna jartzeko gogo. Kultur elkarteek izenean agertu arren, ez dute ezkututzen nor diren. Aurtengo nobedadea PPren txosna izango da. x

◆ **Aida Fernandez** ◆ Bilboko konpartsen ordezkaria

«Egitarauan argi geratzen da konpartsen lana»

■ **Zer ekarpen egiten diote Bilboko konpartsek Aste Nagusiari?**

Gauza asko. Batetik, egitarau nagusian parte hartzen dugu, urte osoan lan egiten dugu Kulturako teknikariekin programazioa eta azpiegitura taxutzeko. Lehen eguneko aldaketa, esate baterako, konpartsen ideia izan da, Marijaiaren kantua guk osatu dugu osorik, musikariak eta kantariak bilduta, estudioko lanak koordinatuta eta abar. Gure ekarpenak Jai Batzordean ikusten dira inon baino hobeto. Bestetik, Aste Nagusiko egitarauan agertzen diren 45 ekitaldi zuzenean antolatu eta finantzatzeko konpartsek. Krosa, sukaldaritza lehiaketak, patinen lasterketa, xakea, musa, goitiberak eta zahar zein umeei egiten zaizkien bisitak, besteak beste,



konpartsek antolatzen ditugu. Aurtun, kirolak garrantzi handia izango du, eta gero hor dago Ura- ren Lehenengo Eguna ere.

Ordainketari dagokionez, gure gain hartzen dugu 14.000 zapi, egunero lau fanfarria eta 65 komunen ordainketa ere.

■ **Batzuetan esaten da konpartsak txosnak jartzeko soilik daudela. Zein da zure iritzia?**

Argi dago hori ez dela egia. Hor dago egitaraua gure lana ikusteko. Dena den, ez dihardugu Aste Nagusian bakarrik. Santotomasetako erromeria eta bazkaria antolatu ditugu, Inauterietan parte hartu dugu, Konpartseroaren Eguna ere hor dago. Ia astero biltzen gara ekitaldi horiek guztiak prestatzeko, argi utzi dugu konpartsa ez dela txosna soilik.

■ **Ez ote du merezi Abandon txosna bat ipini eta beste lan horiek alde batera uztea?**

Gustura egiten dugu lana, jai ereduarekin pozik gaudelako.

MORGA TABERNA

Somera, 11

Tf.: 415 01 52 BILBO

ITYRRIZA

ELIZ APAINDURAK • OPARIAK

Plaza Berria, 5 Tf.: 415 17 71 BILBO

Lizarra

SAGAROTEGIA ERRETEGIA

Encarnación enparantza, 4 Atxuri - Bilbo

Tel.: 433 38 65 - 433 79 87

Taberna: 433 71 69

DASTA EZAZU GURE SAGAROTEGIKO MENUA

ETA GAINERA, GURE OHIKO BABARRUNAK "SAKRAMENTUEKIN", BERDURA MENESTRA NATURALA ETA TXINGARRETAN ERRETAKO ARRAINAK ETA HARAGIAK

HURTADO AMEZAGAI

421 12 01 Komikiak, Aldizkariak, Liburuak, Gidak,...

GOROSTIAGA ASEGURUAK

Bailen 1-4 - 48003 BILBO

Tel.: 415 87 21 - Faxe: 415 97 34